



Bosna i Hercegovina
Federacija Bosne i Hercegovine
Kanton Sarajevo
OPĆINA VOGOŠĆA
OPĆINSKI NAČELNIK



Vogošća, ul. Jošanička br. 80, tel.: 00387 33 586 413, fax: 586 444

Broj: 02-04-493/26
Vogošća, 23.03.2026. godine

Na osnovu člana 57. Zakona o zaštiti ličnih podataka („Službeni glasnik BiH“, broj: 12/25), člana 71. i člana 125. Statuta Općine Vogošća („Službene novine Kantona Sarajevo“, broj: 27/14 – Prečišćeni tekst, 14/15, 9/20 i 23/24), člana 6. Odluke o uspostavi i korištenju videonadzora i pravilima obrade ličnih podataka prikupljenih putem videonadzora u zgradi Općine Vogošća, Općinski načelnik **d o n o s i**

R J E Š E N J E

o imenovanju ovlaštenog lica za upravljanje videonadzorom i obradu ličnih podataka prikupljenih putem videonadzora

Član 1.

Za ovlašteno lice za upravljanje videonadzorom i obradu ličnih podataka prikupljenih putem videonadzora u zgradi Općine Vogošća imenuje se **Đejna Sarač**, rukovodilac Stručne službe za zajedničke poslove i poslove mjesnih zajednica Općine Vogošća.

Za zamjensko ovlašteno lice koje će obavljati poslove iz člana 1. ovog Rješenja, u odsustvu imenovanog lica, imenuje se **Amir Tuhčić**, viši referent za tehničku podršku i održavanje računarske opreme.

Član 2.

Ovlašteno lice iz člana 1. ovog Rješenja zadužuje se da:

- upravlja i nadzire rad videonadzora u zgradi Općine Vogošća,
- osigurava da se obrada ličnih podataka prikupljenih putem videonadzora vrši u skladu sa zakonom i internim aktima Općine,
- omogućiti pristup snimcima isključivo ovlaštenim licima,
- vodi evidenciju o pristupu snimcima i njihovom korištenju,
- osigura čuvanje i zaštitu snimaka od neovlaštenog pristupa, zloupotrebe ili gubitka,
- postupa po zahtjevima nadležnih organa za dostavljanje snimaka u skladu sa zakonom.

Član 3.

Pored lica iz člana 1. ovog Rješenja, pristup snimcima videonadzora ima i službenik za zaštitu ličnih podataka, u skladu sa svojim nadležnostima i važećim propisima.

Član 4.

Ovlašteno lice je dužno postupati u skladu sa propisima o zaštiti ličnih podataka, čuvati povjerljivost podataka do kojih dođe u vršenju svojih poslova i koristiti snimke isključivo u svrhe utvrđene Odlukom o uspostavi i korištenju videonadzora i pravilima obrade ličnih podataka prikupljenih putem videonadzora u zgradi Općine Vogošća.

Član 5.

Ovo rješenje stupa na snagu danom donošenja.

OBRAZLOŽENJE

U skladu sa članom 57. Zakona o zaštiti ličnih podataka („Službeni glasnik BiH“, broj: 12/25) i članom 6. Odluke o uspostavi i korištenju videonadzora i pravilima obrade ličnih podataka prikupljenih putem videonadzora u zgradi Općine Vogošća, svaki organ koji upravlja ličnim podacima dužan je imenovati ovlašteno lice za upravljanje videonadzorom i obradu ličnih podataka.

Imajući u vidu prirodu poslova koje obavlja Stručna služba za zajedničke poslove i poslove mjesnih zajednica Općine Vogošća, a s ciljem osiguravanja zakonite, sigurne i transparentne obrade ličnih podataka, pristupilo se imenovanju ovlaštenog lica, kako je navedeno u dispozitivu ovog rješenja.

POUKA O PRAVNOM LIJEKU:

Protiv ovog Rješenja može se izjaviti žalba Odboru državne službe za žalbe Federacije Bosne i Hercegovine u roku od 15 (petnaest) dana od dana prijema rješenja.

Dostavljeno:

1. **Đejna Sarač**, rukovodilac Stručne službe za zajedničke poslove i poslove mjesnih zajednica
2. **Amir Tuhčić**, viši referent za tehničku podršku i održavanje računarske opreme
3. **Merima Balta**, službenik za zaštitu ličnih podataka
4. Stručna služba za zajedničke poslove i poslove mjesnih zajednica
5. Oglasna ploča/web stranica,
6. Evidencija
7. a/a

OPĆINSKI NAČELNIK

Migdad Hasanović

DOSTAVLJENI AKT JE ISTOVJETAN ORIGINALU KOJI SE NALAZI U SPISU PREDMETA.